



Broj:02-05-2-2131/16
Goražde, 08.07.2016.godine

Na osnovu člana 70. Stav 1., 3. i 6. Zakona o javnim nabavkama ("Službeni glasnik BiH" br.39/14) u postupku javne nabavke za ustupanje radova za rekonstrukciju poslovno-stambene zgrade u ul. Alije Hodžića br. 2 u Goraždu putem otvorenog postupka, Načelnik Općine donosi:

O D L U K U

o izboru najpovoljnijih ponuđača za izvođenje radova za rekonstrukciju poslovno-stambene zgrade u ul. Alije Hodžića br. 2 u Goraždu

I

Ovom Odlukom se nakon provedene tenderske procedure za izvođenje radova za rekonstrukciju poslovno-stambene zgrade u ul. Alije Hodžića br. 2 u Goraždu prihvata ponuda ponuđača GPD „Drina“ d.d. Goražde sa ukupnom cijenom ponude 198.472,76 KM sa PDV-om.

II

Ova Odluka će se objaviti na web stranici Općine Goražde www.gorazde.ba sa istovremenim upućivanjem ponuđačima koji su učestvovali u postupku javne nabavke.

III

Nakon pravosnažnosti ove Odluke po isteku roka od 15 dana od datuma Obavještenja ponuđača, Općina Goražde će pozvati izabranog ponuđača radi zaključenja odgovarajućeg ugovora kojim će regulisati međusobna prava i obaveze vezane za predmetnu nabavku shodno uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja. Izabrani ponuđač će prije popisivanja ugovora dostaviti ugovornom organu original ili ovjerene fotokopije dokaza o ispunjavanju uslova u pogledu lične sposobnosti iz člana 45. Zakona o javnim nabavkama. Ukoliko ne postupi u skladu sa ovom obavezom ugovorni organ će ponuditi zaključenje ugovora drugoplasiranom ponuđaču.

O b r a z l o ž e n j e

Načelnik općine Goražde je dana 01.06.2016. godine donio Odluku o pokretanju postupka javne nabavke radova za rekonstrukciju poslovno-stambene zgrade u ul. Alije Hodžića br. 2 u Goraždu broj 02-05-2-2131/16 od 01.06.2016. godine. Na osnovu navedene Odluke objavljeno je Obavještenje o javnoj nabavci na portalu javnih nabavki dana 01.06.2016. godine, dok je sažetak obavještenja o javnoj nabavci objavljen u „Službenom glasniku BiH“ broj: 41/16 od 03.06.2016.

Na osnovu pomenutog obavještenja proveden je postupak prikupljanja i otvaranja ponuda što je konstatovano u zapisniku sa otvaranja ponuda od 22.06.2016. godine.

Komisija za provođenje procedure javne nabavke imenovana gore pomenutim rješenjem Načelnika Općine Goražde dostavila je izvještaj o pregledu i ocjeni ponuda iz kojeg se vidi sljedeće:

- da je u ostavljenom roku za dostavljanje ponuda za ustupanje radova za rekonstrukciju poslovno-stambene zgrade u ul. Alije Hodžića br. 2 u Goraždu, dostavljena ponuda od strane ponuđača: GPD „Drina“ d.d. Goražde.
- da ponuda ponuđača ispunjavaju formalno pravne uslove za učešće, kao i uslove u pogledu ekonomsko finansijske podobnosti kao i tehničke i profesionalne sposobnosti ponuđača, s tim da je procjenjena vrijednost premašena u ponudi pa je predložila da se prihvati ponuda pod uslovom da se obezbijede dodatna sredstva.

Komisija za provođenje postupka javne nabavke radova na rekonstrukciji poslovno stambene zgrade u ul. Alije Hodžića br. 2. U Goraždu, predložila je donošenje Odluke o prihvatanju ponude ponuđača GPD „DRINA“ d.d. Goražde budući da je njena ponuda na osnovu rezultata pregleda i ocjene ponuda, po kriteriju najniže cijene, ocjenjena najpovoljnijom za ugovorni organ obzirom da je najniža, pod uslovom da se obezbijede dodatna sredstva obzirom da je došlo do probijanja procjenjene vrijednosti predmeta nabavke.

Razmatrajući preporuku Komisije te cijeneći naprijed navedeno, preporuka Komisije je prihvaćena pa je odlučeno kao u dispozitivu ove Odluke, a iz razloga što je do probijanja došlo u okviru zakona o predviđene granice do probijanja procjenjene vrijednosti je moglo doći zbog promjene cijena na tržištu obzirom da je projektna dokumentacija na osnovu koje je utvrđena procjenjena vrijednost urađena prije više godina.

POUKA O PRAVNOM LIJEKU: Protiv ove odluke može se izjaviti žalba u roku od 10 dana od dana prijema iste. Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom, u najmanje tri primjerka.

DOSTAVITI:

1. Ponuđačima,
2. u spis,
3. a/a.-

